



Broj: 06-14-9907-9/15  
Sarajevo, 29.1.2016. godine

Na osnovu čl. 64. stav (1) tačka b) i 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14) i člana 17. Statuta Federalnog zavoda za zapošljavanje, na Preporuku Komisije za javne nabavke, a po Zahtjevu za dostavu ponuda putem konkurentskog postupka javne nabavke usluga fizičke i tehničke zaštite ljudi i imovine Zavoda, direktor donosi

**ODLUKU**  
***o izboru najpovoljnijeg ponuđača***

**Član 1.**

- (1) Prihvata se Preporuka Komisije za javne nabavke, broj: 06-14-9907-6/15 od 29.1.2016. godine i ugovor za javnu nabavku usluga poslovne banke za obavljanje poslova platnog prometa putem transakcijskog računa, dodjeljuje se ponuđaču: „INTESA SAN PAOLO BANKA“ d.d. Bosna i Hercegovina.

**Član 2.**

- (1) Ugovor sa odabranim ponuđačem će se zaključiti po proteku 15 dana od dana dostavljanja obavještenja svim ponuđačima koji su učestvovali u postupku javne nabavke.

**Član 3.**

- (1) Za izvršenje ove odluke zadužuje se Sektor za ekonomske poslove, evidencije i informacione tehnologije.
- (2) Ova odluka objavit će se na web stranici [www.fzzz.ba](http://www.fzzz.ba) istovremeno s upućivanjem obavještenja ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama BiH.

**Član 4.**

- (1) Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 70. stav (2) Zakona o javnim nabavkama BiH.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 06-14-9907/15 od 16.11.2015. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke bez PDV-a je 50.000,00 KM. Ugovorni organ je izvršio objavu na Portalu javnih nabavki 8.12.2015. godine, obavještenje broj: 940-1-2-15-3-15/15 i istovremeno objavu na web stranici Zavoda. Zahtjev za dostavu ponuda je prosljeđen sljedećim ponuđačima:

1. „Nova Banka AD“ Banja Luka;
2. „UniCredit Bank“ d.d. Mostar;
3. „Raiffesen Bank“ d.d. Bosna i Hercegovina;
4. „Sparkasse Bank“ d.d. Bosna i Hercegovina;
5. „Union Banka“ d.d. Sarajevo;
6. „Sberbank BH“ d.d. Sarajevo;
7. „Intesa Sanpaolo Banka“ Bosna i Hercegovina.

Do dana otvaranja, ponude su dostavili sljedeći ponuđači:

„Nova Banka AD“ Banja Luka; ponuda broj: 06-14-11536/15 od 29.12.2015. godine;;  
Intesa Sanpaolo Banka Bosna i Hercegovina; ponuda broj: 06-14-11537/15 od 29.12.2015. godine;  
„Raiffesen Bank“ d.d. Bosna i Hercegovina; ponuda broj: 06-14-11538/15 od 29.12.2015. godine;  
Sberbank BH d.d. Sarajevo; ponuda broj: 06-14-11538/15 od 29.12.2015. godine;  
Sparkasse Bank d.d. Bosna i Hercegovina; ponuda broj: 06-14-11539/15 od 29.12.2015. godine;  
„UniCredit Bank“ d.d. Mostar; ponuda broj: 06-14-11540/15 od 29.12.2015. godine;  
Union Banka d.d. Sarajevo; ponuda broj: 06-14-11540/15 od 29.12.2015. godine.

Komisija za javnu nabavku, imenovana Odlukom direktora broj: 06-14-10485/15 od 3.12.2015. godine, sačinila je Zapisnik o ocjeni ponuda broj: 06-14-9907-5/15 od 18.1.2016. godine, uputila zahtjev za pojašnjenje svim ponuđačima broj: 06-14-9907-3/15 od 24.12.2015. godine, Izvještaj o radu broj: 06-14-9907-7/15 od 29.1.2016. godine Preporuku o izboru najpovoljnijeg ponuđača broj: 06-14-9907-8/15 od 28.1.2016. godine. U postupku po Izvještaju o radu utvrđeno je da je Komisija za javnu nabavku blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike kojima je utvrđeno sljedeće:

1. da je ukupan broj pristiglih ponuda sedam;
2. da je blagovremeno zaprimljene sedam ponuda;
3. da nema neblagovremeno zaprimljenih ponuda.

U postupku ocjene ponuda, Komisija je utvrdila sljedeće:

ponuda ponuđača „Union Banke Sarajevo“ se odbacuje iz razloga što je ponuđač u Obrascu za cijenu ponude, Prilog 2 za pojedine stavke kao jediničnu cijenu naveo 0,00 KM. U istom obrascu pod „**Napomena**“, redni broj 1. precizno je navedeno da „zbir cijena u obrascu mora biti veći od 0,00 KM“, a što je i u pojašnjenju, koje je dostavljeno svim ponuđačima, decidno navedeno da cijena pojedinačne transakcije ne može iznositi, 0,00 KM;

ponuda ponuđača „Raiffeisen Bank“ se odbacuje jer ponuđač nije dostavio dokaz tražen tenderskom dokumentacijom, odnosno nije dostavio izjavu o preferencijalnom tretmanu;

ponuda ponuđača „Sberbank BH“ d.d. se odbacuje iz razloga što je ponuđač u Obrascu za cijenu ponude, Prilog 2 za pojedine stavke kao jediničnu cijenu naveo 0,00 KM. U istom obrascu pod „**Napomena**“, redni broj 1. precizno je navedeno da „zbir cijena u obrascu mora biti veći od 0,00 KM“, a što je i u pojašnjenju, koje je dostavljeno svim ponuđačima, decidno navedeno da cijena pojedinačne transakcije ne može iznositi, 0,00 KM;

ponuda ponuđača „Sparkasse Bank d.d.“ se odbacuje iz razloga što je ponuđač dostavio Izjavu da banka ima tri poslovnice u najmanje tri općine na području Kantona Sarajeva. Pojašnjenjem, koje je dostavljeno svim ponuđačima, precizno je navedeno da, je u Prilogu broj 5 u svrhu dokaza neophodno zaokružiti tačku e) Izjave, a u „preciznim podacima“ navesti spisak sa adresama poslovnica na području Kantona Sarajevo, što ponuđač nije ispoštovao;

ponuda ponuđača „UniCredit Bank“ se odbacuje iz razloga što ponuđač nije dostavio Prilog broj 7 „Obrazac za povjerljive informacije“ koja je sastavni dio tenderske dokumentacije (str.17).

Računskom provjerom cijena iz Obrasca za cijenu ponude Komisija je utvrdila da je „Ukupnu cijenu bez PDV-a“ u iznosu od 9.800,52 KM ponuđača „Nova Banka AD“ Banja Luka neophodno ispraviti, te je ponuđaču upućen zahtjev za ispravku, sa kojim se ponuđač saglasio, te ispravljena, ukupna cijena ponude bez PDV-a iznosi 4.920,52 KM. Naime, u kolonama pod rednim brojem 2 i 9 kolona „Ukupna cijena po stavki bez PDV-a“ u iznosima od po 2.500,00 KM ne odgovara zbiru cijena iz kolona „Jedinična cijena po stavki“ čiji je iznos 5,00 KM mjesečno i koloni „Količina/obim/opseg“ gdje je navedeni broj transakcija 500, te je ponuđaču upućen Zahtjev za prihvatanje ispravke računске greške broj: 06-14-9907-6 od 29.1.2016.godine što je ponuđač prihvatio, te je Komisija pravilno i potpuno izvršila ocjenu shodno kriterijima iz tenderske dokumentacije.

U postupku ocjene provedenog postupka, rukovodilac Ugovornog organa nije našao razloge, nepravilnosti niti propuste u radu koji bi eventualno bili osnov za neprihvatanje Preporuke Komisije za javne nabavke. Naime, u postupku je ocijenjeno da je izbor ponuđača izvršen u skladu sa Zakonom o javnim nabavkama BiH, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama BiH i člana 17. Statuta Federalnog zavoda za zapošljavanje, odlučeno je kao u dispozitivu.

**Pouka o pravnom lijeku:**

Protiv ove odluke može se izjaviti žalba, najkasnije u roku od pet dana od dana prijema iste.

Direktor  
  
Omer Korjenić

**Dostaviti:**

- ponuđačima
- a/a